



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

### **Methodus Clara Et Facilis Vacandi Orationi mentali Atque Exercendi se cum fructu in præsentia Dei**

**Coloniæ Agrippinæ, 1687**

Caput XLIX. De Custode vestium.

[urn:nbn:de:hbz:466:1-46004](https://nbn-resolving.org/urn:nbn:de:hbz:466:1-46004)

" su, si omnes infirmitates nostras tu ipse tu-  
 " listi, & nobis Fratrum nostrorum infirmi-  
 " tates eousque sunt ferendæ, ut parati simus  
 " mori in eorum servitio, veluti pro nobis mor-  
 " tuus tu ipse fuisti. *Quoniam ille animam* 1. ioan. 3.  
 " *suam pro nobis posuit: & nos debemus pro* 16.  
 " *Fratribus animas ponere.* Veruntamen ipsam  
 " tu vitam meam, Domine, non requiris, sed in  
 " presenti meis contentus servitiis es.  
 " 8. " Irane verò? Jesum Christum desere-  
 " re, curam Redemptoris nostri absque ulla  
 " miseratione negligere auderemus? Quid ipsi  
 " faceremus, si in valetudinario nostro ægrotus  
 " decumberet, ac vulneribus, pro nostra salute  
 " quæ accipere voluit, moreretur? Ille ipse est,  
 " qui illic nostra prætolatur servitia. Ea illi,  
 " amabò, ne denegemus. Illi ergò studiosè ad-  
 " simus, omnem austeriorem abigamus mæ-  
 " rorem, ne ipsum tristitiâ afficiamus. Hoc ete-  
 " nim nova esset vulneribus ipsius addere vul-  
 " nera, ac novum dolori dolorem, veluti de  
 " nonnullis ipse conqueritur, ubi ait: *Super* Ps. 68. 27.  
 " *dolorem vulnerum meorum addiderunt.*

## CAPUT XLIX.

*De Custode vestium.*

**V**estimenta Religionis sancta sunt, quia a-  
 pertiora Deo factæ consecrationis nostræ  
 indicia. Ille ergo, eorum cui cura & custodia in  
 Monasterio demã datur, esse debet amantissime  
 ac de sua sollicitissimæ matri familia per similis.  
 Hac etenim in id studiosè si incūbit, ut omnib<sup>9</sup>  
 domesticis suis de honestis ac mundis vestibus

Na

pro-

prospiciat haud minorem ille habeat curam oportet, cunctis Monasterii Religiosis de congruis vestimentis atque lectisterniis ut provideatur. Vestes igitur illis subministrabit pro eorum necessitate, illas, laceratae ubi fuerint, reficiet, ac Religiosae denique vitae legibus congruenter pro majori munditia ac nitore, eluet aut eluendas curabit.

*Spiritus* istius officii in eo situs est, ut Religiosos amictus nequaquam consideret, veluti usitata vestimenta, quibus homines post nativæ jacturam innocentiae cooperiuntur, atque etiam post illam, quam peccando incurrerunt, miseriam adversum tempestatum rigores muniantur: sed illos cogitet esse veluti honorificentissima nostrae ereptionis è saeculo ac Deo factae consecrationis indicia.

Sancti Patres Vestitum Religiosum *Vestitum* vocaverunt *Angelicum*. Baptismali illum tunicæ D. Dionysius. Eccl. Hier. c. 4. assimilat: Portentosum ille pallium est sancti Prophetæ ac Patris nostri Eliæ, cujus attractu discipulum suum Elisæum, Religioni nomen ut daret, permovit. Ex isto vestitu agnoscebatur esse vir Dei, quo nomine passim insigniebatur. Scapulare est specialiter Virgini Beatissimæ consecratum. Sanctus Anastasius illustris nostri Ordinis Martyr usque adeo suum honorabat vestimentum Religiosum, ut ipsum veluti prædestinationis tuæ arrham intueretur. Etenim Tyranno multa bona temporalia ei promittenti, Jesu Christo renunciare si vellet, respondit: *Tota felicitas mea in caelo est, cuius*

vene-

*venerabilis amictus, quem gero, certissimum mihi testimonium est.*

Tres potissimum virtutes istius, quo de agimus, officiatoris interioris exercitium constituent. Etenim accensus sit oportet *charitate*, ut eo studio hoc munus suum obeat, ut cunctas Patrum ac Fratrum suorum prævertat necessitates. Amare debet sanctam *paupertatem*, ut nihil perire sinat eorum, quæ honesto porro usui esse queant. Haud exiguo etiam studio *modestia* sollicitus sit oportet, ut Religiosorum vestimenta convenientia atque ad cuiusvis sine staturam accommodata.

## CAPUT L.

*De egressibus è Monasterio.*

**E**gressus è Monasterio nunquam Religiosis periculosi non sunt, eruntque omninò funesti, nisi diligenter in Dei præsentia sibi met-ipsis advigilent. Illos minimè affectent, neque naturali in illos propensione ferantur, sed ex solo obedientiæ incitamento, haud absque constanti proximorum suâ modestiâ ædificandorum proposito suscipiant omninò est necesse.

Sæpè sæpiùs usu venit, ut mundi species in imaginatione necdum omninò oblitteratæ veterum intuitu objectorum renoventur. Eamobrem è Monasterio exeundum non est, nisi cum quodam Dei timore, neque inter sæculares, nisi magnâ cum circumspectione, ac de nobismetipsis diffidentia est commorandum.